

Headline	350 penduduk dapat manfaat		
MediaTitle	Sinar Harian (Pahang)		
Date	03 Oct 2017	Language	Malay
Circulation	160,000	Readership	509,000
Section	NEWS	Page No	42
ArticleSize	381 cm²	Journalist	N/A
PR Value	RM 8,006		



350 penduduk *dapat manfaat*

Pemasangan lampu jalan bawah projek LJK8 setakat ini telah ada 85 unit

GUAI - Pemasangan lampu jalan di bawah projek Lampu Jalan Kampung Fasa Lapan (LJK8) di Kampung Guai di sini, telah memberi manfaat kepada lebih 350 penduduk di sini.

Pengerusi Jawatankuasa Kemajuan dan Keselamatan Kampung, Saifuddin Ibrahim berkata, pemasangan lampu jalan di kampung ini telah bermula sejak 2013 sehingga kini dan setakat ini telah ada 85 unit lampu dipasang di kawasan-kawasan bersesuaian.

"Bagaimanapun, kampung ini masih memerlukan lampu jalan menerusi projek LJK8. Sekurangnya tambahan 84 unit lagi lampu perlu dipasang di kampung ini memandangkan masih ada kawasan tertentu yang masih gelap.

"Penambahan lampu itu kelak bukan sahaja boleh menerangi kawasan kampung, tetapi menceriakan suasana dan yang paling penting dapat membantu mengurangkan jenayah di sini," katanya ketika ditemui selepas Majlis Penyerahan



Ismail Sabri menerima mock Led yang diserahkan oleh Pengurus Besar Kanan (Perkhidmatan Pengguna) Bahagian Pembahagian TNB, Kamaliah Abdul Kadir, pada majlis itu.

Mock LED Program Pemasangan Lampung Jalan Kampung (LJK) Tahun 2017 di Kampung Guai, kementerian yang disempurnakan oleh Menteri Luar Bandar dan Wilayah, Datuk Seri Ismail Sabri Yaakob.

Sementara itu, Ketua Cawangan Umno Kampung Guai, Mohd Faizal Mohd Mokhtar berkata, penambahan pemasangan lampu jalan ini juga mampu meningkatkan keselamatan penduduk terutamanya mereka

yang sering keluar pada waktu malam untuk ke masjid atau surau dan melakukan aktiviti riadah.

Katanya, projek ini sangat bagus untuk rakyat dan ia dapat digunakan bersama dan dapat memeriahkan

INFO • Pemasangan lampu jalan dapat bantu kurangkan kegiatan jenayah

• Pemasangan lampu jalan di Kampung Guai telah dilaksanakan sejak 2013

suasana pada waktu malam.

"Disini tiadalah jenayah atau kemalangan besar berlaku, tapi bila dah ada lampu ni, kita boleh kurangkan kadar jenayah dan kemalangan kecil sedia ada. Lagipun, ada beberapa buah sekolah di sini, yang mungkin boleh memanfaatkan kemudahan ini untuk aktiviti malam, atau untuk meningkatkan tahap keselamatan berdekatan sekolah mereka," katanya.

Menurut Mohd Faizal, dengan cahaya lampu jenis *Light Emitting Diode* (LED) yang lima kali ganda lebih terang dari lampu jalan biasa dipercayai dapat meningkatkan kesejahteraan di kampung ini.